

Пленум


Баҳони халқ беради

Ўзбекистон қурилиш ва қурилиш ашёлари саноати ходимлари Марказий кенгашининг навбатдан ташқари пленуми бўлиб ўтди. Унда Ўзбекистон касабаси уюшмалари Федерацияси кенгаши раиси Дилбар Жаҳонгирова қатнашди ҳамда нутқ сўзлади.

— Ўзбекистон Президенти Ислам Каримовнинг 2008 йилда мамлакатимизни ижтимоий-иқтисодий ривожлантириш яқули ва 2009 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамаси мажлисидаги маърузаси ҳар бир жамоат ташкилоти, шу жумладан, касабаси уюшмалари олдида ҳам долзарб вазифаларини қўймоқда, — деди нотиқ. — Бунинг учун ташкилотнинг ҳар бир аъзосидан — у Марказий кенгаш раиси бўладими, урта бўлинма ёки бошланғич ташкилот аъзосидими, ишга ижодий ёндашув, давр руҳини ҳис этиб, тегишли хулосалар чиқарган ҳолда ишлар фаолият юритиш талаб этилмоқда. Бунинг асоси бўлган ҳолатлар билан асло мурося қила олмайсиз. Шунингдек, Дилбар Жаҳонгирова тармоқ касабаси уюшма ташкилотлари амалга оширган ишлар, долзарб ва-

зифалар ҳамда муаммолар ҳақида ҳам атрафлича фикр билдирди. Тармоқ келишувлари ҳамда жамоа шартномалари тузиш, маъруза ҳужжатнинг ҳар бир банди ҳаётида ўз аксини топиши муҳимлигини алоҳида таъкидлаб ўтди. Шунингдек, иш ҳақининг ўз вақтида берилиши, жисмоний тарбия ҳамда соғломлаштириш, маънавий-маърифий ишлар самарадорлигини ошириш, молиявий интизом, аъзолик афзалликларини асослаш борасидаги муаммоларга ҳам тўхталиб ўтди. Пленумда ташкилий масала қўрилди. Республика қурилиш ва қурилиш ашёлари саноати ходимлари касабаси уюшмаси Марказий кенгаши раиси бўлиб ишлаган Рустамбек Миртемиров пенсияга чиққанлиги муносабати билан вазифасидан озод этилди. Тармоқ касабаси уюшмалари Марказий кенгаши раислигига Уктам Турғунов сайланди.

Ўз мухбиримиз



Касабаси уюшмалари ҳаётидан Тайёргарлик

Касабаси уюшмалари ташаббуси билан Андижон вилоятида 8-март — Халқаро Хотин-қизлар байрамига бағишланган анъанавий аёллар спартакиадасини ўтказиш режалаштирилди.

Спортнинг 6 та турини ўзига қамраб олган мусобақалар Андижон давлат университети спорт майдонларида бўлиб ўтади. Туман ва бошланғич касабаси уюшма ташкилотлари, вилоят тармоқ кенгашлари жамоалари баҳсларга қизгин ҳозирлик қўрмоқда.

Абдулхай ЮНУСОВ, «Ishonch» мухбири

«Ўрганамиз, ўргатамиз»

Қашқадарё вилоятида 2544 та бошланғич касабаси уюшма ташкилоти бўлиб, ўз сафларига 574 минг 619 нафар аъзони бirlаштирган.

Амалга оширилган ишларни таҳлил этиш мақсадида шахар ва туманларда ўқув-тренинглр уюштирилди.

— Семинар-тренингда касабаси уюшмаси ташкилотлари фаолиятига оид илгор тажрибалар билан танишдим, — дейди агросаноат мажмуи ходимлари касабаси уюшмаси Қарши туман кенгаши раиси Қамар Амиркулов. — Бундай ўқувларнинг мунтазам ўтказилаётганлиги касабаси уюшмаларининг меҳнат жамоаларидаги нуфузи ортиб, халққа янада яқин бўлиб бораётганидан далолат беради.

Ўзбекистон ёқилғи-энергетика комплекси, кимё саноати ва геология ходимлари касабаси уюшмаси Марказий кенгашининг Қашқадарё вилояти вакили томонидан ўтказилган ўқув-семинар ижтимоий шерикчилик тамойиллари асосида жамоа шартномаларининг ижросини таъминлаш ва таъсирчанлигини кучайтириш борасида касабаси уюшма ташкилотларининг вазифаларига бағишланди.

«Шўртаннефтгаз», Таллимаржон иссиқлик электр станциялари унитар шўба қорхоналари, Мўборак газни қайта ишлаш заводи, «Ўзгеобургунефтгаз» акциядорлик компанияси касабаси уюшма қўмиталарининг раислари жамоа шартномаларида кўзда тутилган имтиёзларни амалга ошириш соҳасидаги тажрибалари билан ўртоқлашди.

И.ХИКМАТОВ, «Ishonch» мухбири

Ибротли тадбир

Сирдарё вилоят соғлиқни сақлаш бошқармаси ҳамда тармоқ ходимлари касабаси уюшмаси вилоят кенгашининг қўшма йиғилишида «Энг намунали кишлоқ врачлик пункти» танловини ўтказиш тўғрисида қарор қабул қилинди.

— Танловни ўтказишдан асосий мақсад, — дейди кенгаши раиси Раъноҳон Абдулмова, — вилоятимиздаги соғлиқни сақлаш муассасаларида хизмат қилаётган тиббиёт ходимлари фаолиятини юқори поғонага кўтариш, кишлоқ аҳолисида кўрсатилаётган тиббий хизматни юксалтириш, тармоқ ходимларининг маҳоратини янада оширишдан иборат.

Дастлабки босқичда барча кишлоқ врачлик пунктлари қамраб олинди ва жорий йилнинг 5 мартига қадар маъруза танловининг биринчи босқичи яқунланади. Вилоят босқичи голибларини мукофотлаш Нағрўз байрами арафасида амалга оширилади.

Ҳолиблар «Энг обод кишлоқ врачлик пункти», «Тиббиёт жиҳозлари билан таъминлаш ва улардан самарали фойдаланиш», «Тиббиёт ходимларининг ижтимоий, иқтисодий, ҳуқуқий ҳимояси», «Ходимлар ўртасида маданий-маърифий ва оммавий спорт тадбирларини уюштириш ҳолати» йўналишлари бўйича боҳоланади.

Пиримкул ДУСТМАМАТОВ, «Ishonch» мухбири

Сурхондәрё



Меҳнатни бахт қалити деб билган халқ борки, фаровон яшайди. Унинг маънавияти юксак, турмуш тарзи гўзал бўлади. Зиёга, санъат ва маънавиятга интилади. Инчунун, маданият ва спорт ишлари бошқармаси, унинг халқ ижодиёти ва маданий-маърифий ишлар илмий-услубий маркази жамоаси истиқлолимизни мустаҳкамлаш йўлида баракали меҳнат қилаётган халқимизнинг кайфиятларини кўтариш, янги зафарларга руҳлантиришни ўз олдига мақсад қилиб қўйган.

Буни Ешлар йилидаги фаолиятимиз ҳам тасдиқлайди. Давлат дастури асосида Қумқўрғон туманида «Бобомдан мерос наволар» — ёш бахшилар кўрик-танловини ўтказдик. Унда 25 ёшгача бўлган истеъдод эгалари беллашди. Олтинсойлик К.Муҳаммадиев, музработлик М.Холтурраев, деновлик Э.Маматмуродов, қумқўрғонлик К.Мусулмонов, А.Бобоқулов, қизирлик Ч.Жумаевлар номинан

циялар бўйича голибликни қўлга киритдилар. Таниқли ижодкорлар билан Жарқўрғондаги учрашув ҳамда «Шу азиз Ватан — барчамизники» дўстлик форуми, ёш кулол ва хунармандлар беллашувлари катори ўнлаб маънавий-маъри-

филми ўтган йили экранларга чиқдики, бу ҳам воҳа оғзаки ижоди мактабининг қадимийлигидан дарак беради.

Жорий йилнинг «Кишлоқ тараққиёти ва фаровонлиги йили» деб эълон қилинганлиги айни муддао бўлди. Дастур асосидаги режаларимизда эътибор қишлоқда турмуш маданиятини оширишга қаратилди. Кўплаб танлов, кўргазма ва фестиваллар ташкил этиш ниятимиз бор. Бугун-эрта «Кўзгуда кишлоқ ҳаёти» фотосуратлар кўргазмасини ўтказамиз. Хаваскорлик театрлари, дамли соғлаб хаваскорлари ҳамда фольклор-этно-



нографик ансамблларнинг кўрик-танловлари ҳам фаол ташкилотчиликни талаб этади. Бахши-оқинлар танлови давом эттирилади. Лапар ва ўлан ижрочилари беллашуви ҳам, ўйламанки, катта қизиқиш уйғотади. Ташкилотчи ва мутахассисларимиз Мохим Маматова, Қумуш Абдулҳакимова, Юсуф Чориев, моҳир расом Турсунпўлат Уроқов, услубчи Жўрабек Жўраевларнинг орзулари бир олам. Эзгулик бор жойда санъат, маънавият ривожланади.

Назар БОЙҚҶҚОРОВ, халқ ижодиёти ва маданий-маърифий ишлар вилоят илмий-методик маркази директори

Баракали меҳнатга рағбат

фий тадбирлар иштирокчиларда ёрқин таассурот қолдирди.

Сурхондәрё — истеъдодлар юрти. Таниқли олим узувчилар, оқину бахшилар, етук санъаткорлар эл аро шухрат қозонган. Кейинги уч йилда 4 нафар жероқимизнинг мамлакат халқ бахши унвонига сазовор бўлгани шундан далолатдир. Илмий-оммабоп ва ҳужжатли филлар кинохудудиясида суратга олинган «Сурхон бахшилари»

Таракқиёт ва фаровонлик

Туманимиз узум ва боғдорчиликка ихтисослашган. Бағрикенг ва заҳматқаш халқимизнинг қалб қўри ва меҳр зиёси билан худудимиз ўтган йиллар мобайлида ҳақиқий Олтинсойга айланди. Боғи-ю тоқзори йўқ хонадоннинг ўзи йўқ.

Шухрат тикланади

Бойликларимиз манбаи — ер, техника ва яратиб берилаётган имкониятлардан фойдаланиб, юқори ҳосил етиштиришнинг ҳадисини олаётганлар тобора кенгайиб бораётди. Қайта ишлаш, қуритиш, қадоклаш қорхоналари ва цехлари кўпайиб, бандлик масаласи ҳам ўз-ўзидан очим топмоқда. Об-ҳаво мўстадил келган йиллари бир мавсумнинг ўзиде 48 минг тоннагача узум йиғиб олинган. Аммо ўтган йилги қиш-қировли аёз меҳнатимизни чиппақча чиқарди, уринишларимиз зое кетди. Туман бўйича аранг 11 минг тоннадан зиёдор узум ва 1850 тонна мева олинди. Табиийки, бозору дўконларимизда мева ва узумнинг нархи ошиб, хориз туғул, ўзимизнинг эҳтиёжимиз ҳам қондирилмади.

Лекин «Сендан ҳаракат, мендан

баракат» деганлар. Деҳқону соҳибкорларга қўл қовуштириб ўтириш ярашмайди. Совуқ урган новдаларни кесиб, хатосини тўдириш, боғ ва тоқзорларга ишлов бериш, озиклантириш ва сўғориш ишлари аллақачон бошлаб юборилган.

Юртбошимизнинг «Озик-овқат экинлари экиладиган майдонларни оптималлаштириш ва уларни етиштиришни кўпайитириш чора-тадбирлари тўғрисида»ги Фармони хайрли ишларимизга мадад бўлаётди. Агар илгари ўртача 5-8 гектарлик майдонда 1586 фермер хўжалиги ишлаган бўлса, эндиликда тоқзор ва боғлар 559 та фермерлик жамоаси тасарруфиде. Бу ҳар бир фермер майдони камида 15 гектарга етди, дегандир.

Ўттиз йилдан буён узумчилик

билан шугулланаман. Хўжалигимиз 1992 йилда ташкил этилган. 40 гектарда ишлайми. Узум ҳосилдорлигини 150 центнерга етказган пайтларимиз бўлган. Ҳар йили 30-35 тонна майиз тайёрлардик. Икки йил аввал узумчиликнинг ўзидан соф даромадимиз 30 миллион сўмдан ошди. Ўтган йили эса, тоқзорларимизни аёз урди. Бу йил унинг ўрнини, албатта, тўлдиримиз. Шу мақсадда астойдил ҳаракат қилаётимиз. Олтинсой узуми ва майизининг шухратини тиклаимиз.

Менгқобил МАХМАТКУЛОВ, «Даврон» фермер хўжалиги раҳбари



Сурхон воҳасида замонавий тиббий асбоб-ускуналар билан жиҳозланган 241 та кишлоқ врачлик пунктлари фаолият кўрсатмоқда. Уларнинг 107 таси янгидан қурилган. Бугунги кунда барча ҚВПларга ҳуқуқий мақом берилган. Уларнинг бари аҳоли жон бошига қараб молиялаштириш тизимига ўтказилган.

Замонавий

тиббий

буни ҚВПлар мисолида кўриш мумкин

қўлдан

Жаҳон банкининг «Саломатлик-2» лойиҳасига қўра айти пайтада ҚВПларни замонавий тиббий асбоб-ускуналар билан жиҳозлаш ишлари давом эттирилмоқда. Ўтган йили 189 та ҚВП умумий қиймати 142,6 млн. сўмлик турли хил меболар ҳамда 575 минг АҚШ доллар микдоридеги тиббий асбоб-анжомлар билан таъминланди.

Давр соҳа мутахассисларидан янада чуқурроқ билимдан, малака ва қўникмага эга бўлишни тақазо этаётди. Амалиёт ва назария уйғун ҳолда соғлиқни сақлаш тизимиде туб бурилишлар ясаб, янги-янги ўзгаришлар сари ундамоқда.

Жорий йилда Вазирлар Маҳкамасининг инвестиция дастурига асосан вилоят соғлиқни сақлаш тизимига 799 млн. сўмлик маблағ ажратилиб, Жарқўрғон ва Шўрчи туманларида иккитадан иккитадан ҚВПда, Қизирқўрғон туманидаги тез тиббий ёрдам бўлими ҳамда Бийсун туман ту-

руқхонасида реконструкция ишлари режалаштирилган. Айни пайтада уларда қурилиш-таъмирлаш юмушлари жадаллик билан олиб борилмақда.

Мавжуд ҚВПларда бошланғич касабаси уюшма ташкилотлари самарали фаолият юритмоқда. Уларнинг барчасида иш бериувчилар билан жамоа шартномалари тузилган бўлиб, ишчи-ходимларининг ижтимоий, ҳуқуқий манфаатларини ҳимоя қилиш, уларни иш билан таъминлаш кенг қўламада олиб борилмақда. Мисол учун, 42 та кам таъминланган оила вакилларига моддий ёрдам кўрсати-

ди. Фарзанди 2 ёшдан 3 ёшгача бўлган 11 нафар ёш оналар ижтимоий ҳимоя билан қўраб олинди. 8 нафар ёш ишловчи аёлга бериладиган туғишга ва туғишдан кейинги ҳақ тўланадиган таътил кўни узайтирилди. Тиббиёт соҳасида ишлайётган 5 нафар ёш ходимларимизни

соғломлаштирилди. 8 нафар ёш оила вакилига «Умид гулшани» сийхатгоҳига йўланмалар берилди.

Тармоқ ходимларининг 242 нафар фарзанди бошланғич соғломлаштириш оромгоҳларида имтиёзли дам олдирилди.

Инсон меҳнати қадрланган жойдагина унумли ишлайди, янгиликка интилади. Касабаси уюшмаларининг барча эзгу ишлари айнан шу масала ечимига йўналтирилган. Чунки инсонни эъзозлаш, унинг қадр-қимматини ўрнига қўйиш касабаси уюшмаларининг эзгу ишидир.

Муяссар ҚОДИРОВА, вилоят соғлиқни сақлаш ходимлари касабаси уюшмаси кенгаши раиси

КЕЛЭЖЕК


Йигирма биринчи аср бўсағасида, яъни 2000 йилда билим юртимиз реконструкция қилиниб, коллеж мактабини олди. Бу ерда 449 нафар ёшларнинг етарли билим олиши, касб-хунар эгаллаши учун барча шароитлар муҳайё. Ахборот-ресурс маркази, турли фан ва хунар, спорт тўғрисидаги, ўқув амалиётини мазмунли ўтказиш учун чиллагарлик, 2 та пайвандлаш, электромонтаж, машиналарга техник хизмат кўрсатиш ва таъмирлаш устахонаси, ўсимликларни ҳимоя қилиш учун махсус биологатория келажакимиз соҳиблари учун хизмат қилмоқда.

Ўтган йилда кишлоқ хўжалиги машиналаридан фойдаланиш ва таъмирлаш, кишлоқ хўжалигини электрлаштириш ва автоматлаштириш, автотранспорт воситаларига техник хизмат кўрсатиш каби 6 та мутахассислик бўйича 102 нафар ўқувчи ўқини тугатди. Уларнинг 85 нафари иш билан таъминланди. Коллежимиз битирувчиларининг тўла иш билан таъминланишида авваламбор мутахассисликларимизнинг замон талабига мос келиши, қолаверса Юртбошимизнинг кишлоқларда ҳам намунали сервис хизматларини ривожлантириш ҳақидаги кўрсатмалари қўл келмоқда.

Дарвоқе, коллежимиз ҳамда бандликка кўмаклашувчи марказлар ва бошқа тегишли ташкилотлар билан ҳамкорликда режалар ишлаб чиқилган. Шу тарихи воқеаларнинг энг чекка кишлоқларида ҳам хизмат кўрсатиш ва сервис соҳаси янада ривожланиши учун имкон яратилмоқда.

Панжи МУСТАНОВ, Олий Мажлис Сенати аъзоси, Музработ агросервис касб-хунар коллежи директори





Виллоят

Шўрчи туманидаги «Олатемир» маҳалла фуқаролар йиғини ҳудудида жойлашган ЮНЕСКО тасарруфидаги мактабимиз узоқ тарихга эга. Бугунги кунда билим масканида 783 нафар ўқувчига 72 нафар ўқитувчи сабоқ бераётир. Уларнинг 43 нафари олий маълумотга эга.


«Юнеско мактаби»

Мактаб таълимини ривожлантириш Давлат умум-миллий дастурига мувофиқ, ҳукуматимиз томонидан 89 млн. сўм маблағ ажратилиб, капитал таъмирдан чиқарилгач, мактабимиз бутунлай ўзгача киффа касб этди. Замонавий меъморчилик анъаналарини ўзида муҳасам этган икки қаватли 2 та бино қайта жиҳозланиб, том маънода мустаҳкам моддий-техника базасига эга бўлди. Физика, кимё, биология фанлари ўқув лабораториялари, 2 та компютер ҳамда лингафонли инглиз ва рус тили фани хоналари ўқувчилар ихтиёрида. Бошқа фанлар ҳам махсус хоналарда қўзғалмали ўқув куроллари ёрдамида ўтилмоқда.

Аваллари ўқувчиларимиз фан олимпиадаларида, ўқув-лаборатория машғулоти буйича ўтказилган синовларда илҳомли қилишарди. Бугун аҳвол бутунлай бошқача. Кимё, биология, физика фанларидан амалий машғулотлар ўтказиш учун тўлиқ имконият мавжуд. Компютер ва бошқа ахборот технология воситалари эса ўқувчи-ёшларнинг билим ва дунёқарашларини янада кенгайтиришга хизмат қилмоқда. Бунинг натижаси ўлароқ туман фанлар олимпиадасида Диларфўз Раззоқова информатика фанидан, Эъзога Эргашева биология фанидан биринчи ўринни эгаллаб, виллоят олимпиадасига йўлланма олишти. «Умид ниҳоллари» спорт мусобақаларида 30 метрга югуриш буйича 4-синф ўқувчиси Мунира Жаҳонгирова, узунликка сакраш буйича Охун Добиллов ғолибликни қўлга киритди.

Бундан ташқари, «Сиз ҳуқуқни биласизми?», «Қишлоғимиз тарихини ўрганамиз» каби викториналар, шунингдек, турли спорт тадбирлари мунтазам ўтказиб келиняпти.

Абдулла СОАТОВ,
«ЮНЕСКО» тасарруфидаги
16-мактаб директори



«ДАРБАНД» ТЕМИР ЙЎЛ БЕКАТИ

«Тошғузор-Бойсун-Кумкўрган» темир йўл қурилишининг тугалланиб фойдаланишга топширилиши ҳар бир ўзбекистонлигини онгу шуурига гурур ва ифтихор бахш этди. Айни дамларда бекатимиз бир йўла 10 та поезди эшелонини қабул қилиш қувватига эга.

Бойсун тумани аҳли кўз ўнгида «Дарбанд» қишлоғида жаҳон андозаларига мос миллий ва замонавий меъморчилик анъаналарини ўзида муҳасам этган янги вокзал биноси қад ростлагани тахсинга лойиқ. Бугун темирйўл бекати атрофи чинакамга шаҳар

тусини олган. Чор-атрофга ниҳоллар ўтказилган. Анвойи гул қўчатлари меҳр билан парваришланяпти. «Ўзбекистон темир йўллари» Давлат акциядорлик компанияси ташаббуси билан 3 млрд. 149 млн. 555 минг сўм сарфланиб, 216 ўринли замонавий мухташам мактаб биноси қурилиб, фойдаланишга топширилди. Ҳозир бу ерда темир йўлчиларнинг 160 нафар фарзандлари таълим-тарбия олишмоқда. «Дарбанд» темирйўл бекатида йўловчилар учун барча қулайликлар яратилган. Жумладан, кутиш зали,

она ва бола хонаси, тиббиёт хонаси мавжуд. Барча хоналарга кондиционер ўрнатилган.

Бекатимизда 38 нафар ишчи-хизматчи меҳнат қилади. Ишнинг рисоладагидек бўлишида навбатчи Жума Абдурахмонов, Урол Ашуров, оператор Раъно Шодикулова, Дилором Тўраева-ларнинг хизматлари катта.

Темир йўл ривожланиши натижасида тоғли «Дарбанд» қишлоғи келгусида янада обод бўлади. Темирйўл коллежи, ишчиларга ўй-жой, шифохона, янги йўллар қурилади.

Шерали ПАРДАЕВ,
Қарши-Термиз минтақавий
темир йўллар узели
«Дарбанд» бекати
бошлиғи

2009-йилнинг бош мақсади

Биз 31 нафаримиз. Лекин бир тану бир жонимиз. Ишимиз эса ўта савобли. Яъни, юқори, ўрта ва паст босимли газ қувурларини тортиш билан машғулмиз. Корхонамиз асосан «Ўзбекгазтранс» акциядорлик компанияси буюртмаси буйича Сурхон воҳасининг туман ва қишлоқлари ҳудудида газлаштириш ишларини бажаришга жалб этилган.



рўси учун астойдил интилаггани самарасидир. Жавоб ҳам шунга яраша бўлмоқда. Меҳнат шароити тобора яхшиланиб, ўртача ойлик 180-200 минг сўмни ташкил эт-

«Зангори олов» тафти

Аҳил жамоамиз ўтган йили 800 миллион сўмлик қурилиш-монтаж ишларини амалга оширди. Жумладан, Сарисий туманидаги «Сариҳар», «Эрман», «Наврўз», «Қорасув», маҳалла ва қишлоқларнинг ҳар бирини 4 километр масофада ўрта босимли газ қувурлари тортилди. Шўрчи туманидаги «Элбаён» маҳалласи ҳудудида ҳам шунча миқдорда газ линияси барпо этилди.

Бундан ташқари, Жаркўрган нефтни қайта ишлаш Ўзбекистон — Россия қўшма корхонаси буюртмасига кўра, 100 млн. сўмлик нефть қувурларини таъмирлаш, янгиларини тортиш ва пайвандлаш ишлари бажарилди. Албатта, бунда тасарруфимиздаги 17 та техника — автокран трактор, «ЗИЛ», «КамАЗ» русумли автомашиналар, газ ва электр пайвандлаш аппаратларидан унумли фойдаланганимиз қўл келди. Бу ютуқлар ишчи-хизматчиларимизнинг корхона шарафи, об-

моқда. Ишчиларга ишга келиб-кейтишлари учун корхона ҳисобидан велосипед олиб берилган. Ҳар йили корхона даромадидан ҳар бир кишига коммунал тўловлар учун 40 минг сўмдан ажратилади. Тўй-томшаларда доим биргамиз. Қўлдан келганча ёрдам ҳам кўрсатамиз. Н.Тангиркуловага тўй маросими учун 300 минг сўм бердик. Тракторчи Ориф Меликулов «Жайронхона» сихатгоҳида бепул соғломлаштирилди.

Режаларимиз янада улкан. Акрам Хўжаев, Пахлавон Алиқулов, Зибдулла Эшбобоев бош-қош бўлган электр пайвандлаш бригадалари, автокранчи Алишер Сангинов, ҳайдовчи Рафиқ Фафуров, Рашид Эргашев, чилангарлар Ориф Меликулов, Абдугани Ервеш сингари маҳоратли, кўп йиллик тажрибали ишчиларимиз бор экан, олис қишлоқларимиз ҳам «зангори олов» тафтидан, албатта, баҳраманд бўлади.

Раҳматжон ҚУРБОНОВ,
Термиз қурилиш монтаж-5
МЧЖ раиси

Халқаро андозаларга мос

Азалдан йўллар элли-элга, дилин-дилга туташтириб келган. Қайси юртининг йўллари раво бўлса, билингни, ўша халқ тўқ ва фаровондир. Юртимиз мустақиллиги йилларида мамлакатимизнинг барча ҳудудларида бўлгани каби Сурхондарёда ҳам йўлсозлик ривожланмоқда.

Халқаро аҳамиятга молик «М-39 Алматы-Бишкек-Тошкент-Термиз» автомобиль йўлининг 1385-1395 километри Шеробод йўли қурилиши туман пудрат таъмирлаш-фойдаланиш давлат корхонаси жамоасининг меҳнати билан жаҳон андозалари даражасига келтирилди. Йўлларни сақлаш, йўл ҳаракати хавфсизлигини таъминлаш, кўкалмазорлаштириш ва ободонлаштириш сингари хайрли ишларга ҳам катта аҳамият берилмоқда. Кейинги пайтда қишлоқ ички йўлларида жорий, ўрта ва мукамал таъмирлаш, қайта янги йўллар қуриш ишларига эътибор қучайди. Жумладан, Шеробод туманидаги У.Туранов фермерлар уюшмасида жойлашган «Килкон», «Боботепа» қишлоқларида 8,3 километр, «Ўзбекистон» фермер ҳужалигидаги «Бешкапа» қишлоғида 4 километр, «Таллашқон» фермерлар уюшмасидаги «Хомкон» қишлоғида 4 километр ички йўл тўлиқ қайта таъмирланди. Барча ишларимизда мамлакатимиз Президентининг «2007-2010-йилларда умумий фойдаланидиган автомобил йўллари қурилишини ривожлантириш чора-тадбирлари тўғрисида»ги қарори дас-

туриламал бўлмоқда.

Бунда малакали мутахассисларимиз — бош муҳандис Шерали Муродов, Шўхрат Аллаёров, ҳайдовчи Комил Эшимов, Сафар Қўлтўраев, Алламурад Жўраев, Очил Шобердиев, Ҳасан Тошниева, йўлсозлар Йўлдош Алланазаров, Очил Азимов, Абдусалом Баратовларнинг фидокорона меҳнатлари қўл келмоқда. Улар ютуқларимиз бош омили — корхонамиз моддий-техника базаси қанчалар мустаҳкамланганини амалда исботлашда бошқаларга намуна бўлмоқда. Қудратли автогрейдерлар, булдозерлар, ағдарма автоуловлар ва бошқа ўнлаб турли техника ва механизмлардан унумли фойдаланилаётир.

«Йўл қуриш — савобли иш». Бу ҳикматга дахлдор эканлигимиз бизга гурур бағишлайди.

Нортожи АБДУЛАХАДОВ,
Шеробод йўл ҳўжалиги
туман пудрат таъмирлаш-фойдаланиш давлат корхонаси раҳбари, Халқ депутатлари вилоят кенгаши депутати



Саммит иш бошлади

Шу йилнинг 27 феврал кунини Таиландда Жанубий-шарқий Осиё давлатлари (АСЕАН) саммити ўз ишини бошлади. Саммитнинг асосий мавзуси бутунжаҳон молиявий инқирозига қарши курашиш ва бу жараёнда АСЕАН мамлакатларининг экспорт маҳсулотларига бўлган талабининг пасайишини муҳокама этишдир.

Маълумот ўрнида айтиш мумкинки, АСЕАН ташкилотига 1967 йилнинг августда Бангкокда асос солинган бўлиб, «АСЕАН декларацияси» имзоланган эди. Сийсий, иқтисодий ва маданий вазифаларни бажаришга йўналтирилган ушбу ташкилотга Жанубий-шарқий Осиё давлатлари — Бруней, Вьетнам, Индонезия, Камбоджа, Лаос, Малайзия, Мьянма, Сингапур Таиланд ва Филиппин аъзо саналади.



Йўғонлар чўзилмоқда

АҚШнинг энг йирик ипотека агентликларидан бири Fannie Mae 2008 йилда 58,7 миллиард доллар зарар кўрганлигини маълум қилиб, вазиятни ўнглаш учун Молия вазирлигидан 15,2 миллиард доллар миқдорда молиявий ёрдам сўради. Шунингдек, Fannie Mae қўшимча молиявий ёрдам заруратини ўз капиталидаги 2008 йилнинг 31 декабригача бўлган етишмовчиликни қисқартириш билан изохлади.

Эслатиб ўтамиз, Fannie Mae ва яна бир йирик ипотека агентлиги Freddie Mac 2007 йилдаги ипотека инқирози туфайли бир неча миллиард доллар зарар кўришти. 2008 йилнинг сентябридан эса мазкур икки агентлик АҚШ ҳукуматининг ҳомийлигига олинди. Уй-жойни молиялаштириш Федерал агентлиги (FHFA)нинг вақтинча бошқарувига ўтказилди. Маълумотларга қараганда, Fannie Mae ва Freddie Mac шу йил охирига қадар давлатдан ёрдам олиб туради. Ахир, бу икки агентлик АҚШ кредит бозорининг деярли ярмини эгаллаган бўлиб, айланма маблағи 30 миллиард долларни ташкил этади.


Исёнчилар ҳибсга олинди

Бангладеш аскарлари ва махсус хизмат ходимлари томонидан икки юзга яқин Даккадаги исёнкор чегарачилар ҳибсга олинди. Операцияни элита қўшинларидан саналган ўзига хос «Тезкор ҳаракат бўлини» ташкиллаштирди. Мазкур бўлини яқинлашаётгани билан кўп исёнчилар эса фуқаролик кийимида казармани тарк этишти. Сўнг казарма қуршаб олинди, у ерда мавжуд барча ғалаёнчилар қўлга олинди. Қочқинларни топиш мақсадида барча йўловчи автобус ва машиналар «элақдан ўтказилмоқда».

Эслатиб ўтамиз, чоршанба кунин Бангладеш ҳукмдори Шайх Ҳасан ғалаёнчилар ўз ихтиёри билан қуролларини топширган тақдирдагина уларни кенчиришини маълум қилгандан сўнг исёнчилар қаршилиқни тўхтатишганди. Улар ҳеч қандай сийсий талабни олға сўрмай, балки ҳукуматдан иш ҳақини кўтариш, меҳнат таътилини ошириш ва мамлакатдаги жабр-зулмни тўхтатишини сўраган. Маълумотларга қараганда, ушбу жараёнда бир неча ўн киши ҳалок бўлган.



Бари инқироз туфайли...



Тоғ-кон саноати буйича дунёда иккинчи ўринда турадиган «Anglo American» компанияси жорий йилда 19 минг иш ўринини қисқартириш ниятида. Бу чора тахминан 2 миллиард АҚШ доллар миқдорда маблағ тежаш имконини беради. Маҳаллий матбуотнинг ёзишича, қарийб ўн фоз ишини қисқартиришни режалаштирган мазкур компаниянинг даромади 2008 йили 28,6 фозга пасайган. Боси, саноат маҳсулотларига талаб кескин камайган. «Anglo American» АҚШ, Европа, Африка, Австралида ўз филиалларига эга бўлиб, компаниянинг йиллик бюджети 20 миллиард АҚШ долларини ташкил этади.

Интернет материаллари асосида тайёрланди

1 март — Зулфия таваққул тоған кун



(Боши 1-бетда)

Аяжон кичкина, биров эътибор бермайдиган нарсаларда ҳам катта аҳамият...

Бирор кимса кимматроқ совға олиб келса, аяжоннинг кайфияти бироқ ташнадек бўлади...

Жуда камтарин аёл эди, ҳасадни билмасди, ўзгалар ютуғидан қувонарди, мухлислари, шогирдлари байрам, туғилган кунлари ва яна қандай сабаблар билан табриклаш учун йўқлаб келишса...

Аяжон кириб борган давраларда ўзгача жонланган бўларди, нигоҳларидан у кишига нисбатан эҳтиром ёғилиб турарди...

Биз — аяжон, Омон ака ва мен атоқли ўзбек адаби Фахур Гуломнинг юбилейига бордик, биринчи қаторлардаги ўриндиқларга жойлашадиган бўдик...

ган, атрофда кийим-кечаклар сочилиб ётмасди.

Яна бир фазилати — айрим аёлларга ўхшаб зоб-зийнатга ўч бўлмаган. Ҳеч қачон бўйнида дур ёки тилла занжир кўрмаганман...

Зебу зийнатларга ўч бўлмадим ҳеч, Зийнат билдим фақат замон, созимни. Созни на кундуз, на тунда қўйдим тинч, Елкасига ортиб қувонч, розимни...

Зулфия аяжон дадажонимиз. Ҳамид Олимжон ҳақида ҳар гал яйраб гапириб берарди. Айтиши буйича дадажон ўзига жуда талабчан бўлган экан...

пага қор ёғатган эди.

Юбилей тантаналарида ой-қуним яқинлашиб юрган эдим. Охириги кузатиладиган меҳмонлар аэропортдаги даёқ Фаррухбек ўғлим туғилди...

Балки шунинг учунми, Фаррухбекнинг табиати, дунёқароши, сезгирилиги, ҳатто пешонасининг кенглиги ҳам аяжонникига ўхшайди.

Биз шифохонада эканлигимизда аяжон тез-тез хабар олар, меҳраму тула хатлар юборарди.

Болаларимизнинг ўсиши, биринчи қадамидан бошлаб бошга бориши-ю мактабда ўқиши, ўспиринлиги-ю и...

нинг илҳомини келтириб, шеър яради — «Бугунингга мен бўлай ҳоким»:

Ҳовли тўла баҳор, Кўк тўла баҳор, Нафис баҳор ҳиссин чулдирад кушлар. Ҳали очилмаган гулларда ифोर Киш қировин қувиб дилларни хушлар.

Ва биз — бир сулола айвонимизда Нур, қувонч, хотира неъматига ром. Эвара гувранар кучоғимизда, Ҳордиқ қуниимизга бағишлаб ором.

Бир чоқ бувим айтган куйин тақорлаб, Мен гўдакка секин айтаман алла. Менга мунчоқ кўзлар боқадки бодраб, Ўғлимни-чи, уйку қучган бу палла...

Ухла, бугунингга мен бўлай ҳоким, Кунни тунга улай гар сенга даркор. Ва тепангда эзгу тилақлар айтгум, Шундай ёнгинамда тўйиб ухла ол...

Аяжон умрининг кейинги вақтларида шеърни осон ёзарди, ўзи доим шу хусусиятини таъкидлайдиган бўлган эди. «Шеър ўзи куйилиб келади, бу битилган шеърларни қайта ишлаш керак эмас» дерди.

Зулфия аяжоннинг яна бир эзгу нияти, қалб тубида яшаб келган бир орзуси...

ошгани ҳақида айтиб ўтишни истадим. Ҳар гал гап келганда: «Мен дунёдан ўтганимда дадангизнинг ёнига қўйинлар», — деб тайинлар эди. «Сенсиз» деб аталган шеърда: «Мана, бир умрни яшадим сенсиз, Қайтмас шодликларнинг кайтишини кутиб», — деб ёзган бўлса, фарзандларни воёга етказиш учун «Ота бўлиб солдим мен йўлга, Она бўлиб бағримга босдим», — дейди ва доимо Ҳамид Олимжон руҳи, хотираси у кишига куч бериб қўлади дейиш мумкин.

Аяжон ҳаммаси бўлиб, ўзи «Осуда ўтади руҳим абадга» деб ёганидек, тўрт ойна бетоб бўлиб ётди: ўша чирой, ўша табассум, ўша сизгирик, ўша ақл-заковат, ўша ирода, ўша меҳрибонлик!

Мен ҳамма вақт — кеча-ю кундуз ёнида бўлдим, дардларига дармон топишга, кўнглини кўтаришга ҳаракат қилдим, шифокорлигим асқотди. Аяжон болаларидан, невараларидан хурсанд эди. Ҳатто бир кун ўғлини олдига чақириб, бир қўлга менинг қўлимни, иккинчи қўлга у кишининг қўлини олиб, бир вақтда иссиқ қўлларидан ушлаб туриб, «Мен сизлардан мингдан-мигга розиман», — деб айтди...

Булар — ҳаётимдан айрим лавҳалар, лекин мен ҳам тақдир сийлаган аёллардан бириман дейишимга тўла имкон беради.

Риояжон ОЛИМЖОНОВА

Поэтикаб, доно, меҳрибон ЗУЛФИЯХОНОВА

бўлиб кетиб, ўрнидан туриб, қарсақ чалиб юборди. Халқ аяжонни қаерда бўлмасин шундай қаршиларди.

Бир куни дивандада телевизор кўриб ётган эди, диктор рус шоираси Марина Цветаеванинг шеърини ўқий бошлаши билан дабдурустдан ўрнидан туриб ўтирди. Мен: «Аяжон, чарчаган эдингиз, ётиб эшитавермай-сизми?» — десам, «Цветаеванинг шеърини ётиб эшитиб бўлар эканми?» — деди ҳаяжонланиб.

Аяжон ҳеч қачон одамга оғир ботадиган ёки ноқулай вазиятга солиб қўядиган муомала қилмас эди. Бирор ишни бундай эмас, бундай қилинлар деб буюрмасди. Аксинча, бирор масала устида маслаҳат сўрасангиз, «Сизга қандай туюлади?», деб узр сўрагандек бўлиб, кейин фикрларини айтарди.

Аяжонимиз ҳақида замондош дўстлари, шогирдлари ёзган хотираларда кўп айтилган бир хусусиятини мен ҳам таъкидлаб ўтишни истадим. Аямиз ҳеч қачон, ҳатто уйда ҳам пала-партиш кийиниб юрмасди, доимо сочлари яхши турмакланган, либослари дазмолланган...

ўқишар ва керак жойда ўз фикрини айтар экан. Бизга шундай суҳбатлар жуда ёқарди, чунки мен дадажонни фақат китобдан, ёзган шеърларидан билар эдим-да.

Аяжоннинг ўз мухаббатига садоқати Ҳамид Олимжоннинг туғиш-гаплари, қариндош-уруғларига нисбатан муносабатидан ҳам кўриниб турарди. Уларни жуда ҳурмат қиларди, дилдан муомала қилиб, яхши кутиб оларди. Айниқса, энг кичик қайинсинглиси Мухаббатой опамни ҳеч ёлғиз қўйилари келмасди. Тансиқ овақат қилганимизда, байрамларда, бирон меҳмон келадиган бўлса, албатта, уйимизга чақирар эдик. Аяжон у кишининг кўп хусусиятларини Ҳамид Олимжонга ўхшатар эди.

1975 йил 15 ноябрда Зулфия аяжоннинг 60 йиллик юбилейи муносабати билан катта анжуман ўтказилди. Кўп мамлакатлардан аяжонни ва Ҳамид Олимжонни таниган атоқли шоир ва адиблар келишди. Улар орасида рус шоирлари Роберт Рождественский, Римма Казакова, бошқирда шоири Мустай Карим, қалмиқ шоири Давид Кугултинов, қабарда шоири Қайси Қулиев, қирғиз адиби Чингиз Айтматов, покистонлик шоир Файз Аҳмад Файз, хинд шоири Амрита Притам, доғистонлик Ра-сул Ҳамзатов ва бошқалар бор эди. Биз ҳурматли меҳмонларни ҳурмат билан кутиб олдик. Шу куни пага-

гитлик даври, ҳамма-ҳаммаси аяжоннинг кўз олдида бўлди. Болаларга атаб шеърлар битган. Фаррухбекнинг биринчи қадам қўя бошлаганига бағишланган «Тонг» шеъри:

Тўп-тўп... Бу не мўъжиза, рўё, Томирларда сездим баҳорги ирмоқ. Ҳаёт ибтисоси каби бу садо Ўғрилиб қарайман, маъсум мўъжиза: Бу — менинг новарам! Бошлабди қадам.

Мисли шўх айиқча, полопон, жўжа — Овдир-довдир йўлни бошларкан одам...

Мен аяжон билан ҳамнафас бўлиб, ёнида йиғирма бир йилдан ортиқ вақт яшадим. Кўп шеърларнинг қандай шариҳида ва қай қайфиятда ёзилишининг гувоҳи бўлганимдан беҳад бахтиёрман.

Эрта баҳор эди, яқшанбалардан бири. Ҳаммамиз қуёш тушиб иситган айвонимизда ўтириб нонушта қилдик: аяжон, Омонжон ака, болалар ва неваралар. Шу ерда суҳбатлашиб, дам олиб ўтириб, бизга неварар, аяжонга эса эвара бўлган Азияжон (Улуғбекнинг қизининг бошини силаб ўтириб аяжон шеър ўқиди. Болагина шеър остида — оҳангида ухлай бошлади. Ёнлариде ёнбошлаб газета ўқиётган Омон аканинг ҳам кўзлари уйқуга кетди. Бу манзара аяжон-

Билиб қўйган яхши

ЛИМОН — мўъжизаларга бой неъмат. Манбаларга қараганда, унинг ватани — Жануби-шарқий Осиё.

Лимон витамин С га бой бўлиб, йирик, сариғи инсон организми учун фойдали. Қадимги Хитой табибларининг тиббиётга оид китобларида «Ли мунг» — шифобахш, дардларга даво, деб ёзилган.

Биолог олим, ўнлаб китоблар муаллифлари Файбулло Шерматов ва академик Ёлқин Турақулловларнинг тажрибалари буни исботлайди. Лимоннинг шарбатига меърида шарқар қўшиб ичиlsa, ҳомиладор аёллар ва камқонли беморларнинг қонини кўпайтириб, қувватини тиклайди.



Нордон лимон билан юздаги доғлар артилса, фойда қилади. Пўстлоғи энгак, даҳанга 3-4 кун суртилса, соқолнинг ўсиш жараёни тезлашади. Кўнгли айниганда лимон шарбати ичилса, қайт қилиш дарҳол тўхтайд. Агар ошқозонда яра бўлмаса, кунига 3-4 ош қошиқ лимон шарбати ичиб турилса, овақат ҳам қилиш яхшиланади. Гижаси бор болаларга лимонли чой ичирилса, қуввати қайта тикланиб, соғлом бўлиб ўсади.

165 йил умр кўрган озарбайжонлик Муслим оғанинг айтишича, лимоннинг ёқимли исми ақлни пешлайди, уруғи, пўстлоғи эса юракни мустаҳкамлайди, шарбати чанқоқни босиб, ҳасталиқнинг олдини олади, иммунитетни кўтареди.

Тажрибали шифокор Мўтабар Боқиевнинг фикрича: «олтин олма» — лимон истеъмол қилиб турилса, шамоллашнинг олди олинади, қон босими пасаяди, қон таркибидеги лейкоцитлар фаоллашади, иситма тўхтади, қон тозаланади, пешоб тезлашади, майда қон томирлари, асаблар деворлари мустаҳкамланади, асаблар тинчийди, қон таркибидеги қанд миқдори камаяди.

Турсунхўжа АЗЛАРХОНОВ

Спорт оламида



Хатирчи туманига йўлингиз тушиб, Олчинобод қишлоқ фуқаролар йиғини худудидеги маҳалла ва қишлоқларни айлансангиз, кундан кунга чирой очаётган кўча ва гузарларини кўриб хушнуд бўласиз. 7 та маҳалла, 20 та қишлоқ жойлашган мазкур йиғин худудидеги кўзни қувонтирадиган нарсаси — орасталки.

Қолаверса, турар жойлар, йўл ёқалари, гузарлар, қад ростлаётган маданий-маиший хизмат кўрсатиш бинолари, савдо, озиқ-овқат ҳамда сервис хизмати шохобчалари қурилишида шаҳар фусункорлигига хос бўлган меъморий бунёдкорликларни кўриб, дилингиз яйрайди.

Маҳалла ва қишлоқ гузарларини янгича кўринишларда сайқал топиши учун ҳаракат қилганимиз, дейди ҳамроҳимиз.

Олчинобод қишлоқ фуқаролар йиғини раиси Шаҳобиддин Облоқулов. — Утган йиллари тасарруфимиздаги маҳаллалар оқсоқоллари билан, Самарқанд, Ғиждувон, Бухоро шаҳарларидаги энг намунали гузарларга саяҳат қилиб қайдик. Меҳримиз тушган хиёбонлар, обод гузарларни суратга тушириб келдик.

Жалойир маҳалла гузаридеги ўзгаришлар билан яқиндан танишишга аҳд қилдик. Шундоққина марказда «Лочин» номи билан аталувчи вилоятнинг 3-сонли болалар ва ўсмирлар спорт мактабининг икки қавати кўркам биноси ва кенг ўйингоҳлари ястаниб турибди. Унинг ёнидан тушган 640 ўринли умумтаълим мактабининг кўп қаватли биноси қурилиши қиш фаслига қарамадан жадал олиб борилаётди. Йўлингиз сўл томонидаги яна бир кўркам бино айнан маҳалла фуқаролар йиғини учун ажратиб берилди. Унга тўташ иншоотда умумий амалиёт бўйича хизмат кўрсатувчи қишлоқ врачлик пункти...

Бир сўз билан айтганда, гузарнинг ҳар иккала томонига кета-кетгунча бири-биридан кўркам хизмат кўрсатиш шохобчалари дид билан жойлаштирилган.

Сал нарироқдаги нақшдор дарвоза ёнидаги кўрғазма майдончасида стол-стул, диван-кресло, шкаф, трюмо ва

шунга ўхшаш хушбичим ишланган уй мебелларини томоша қилдик. Қўлигул ёғоч усталари Уктам Пакиев, Раҳматилла Хусанов, Сафар Исमतов, Қосим Мелиевлар ясаётган сифатли жиҳозлар шаҳар андозаларидан қолишмайди. Маҳалла фуқаролар йиғини раиси Фарҳоджон Эргашевнинг таъкидлашича, 6 та тегирумон, 2 тадан новвойхона, сартарошхона, расмхона, ёғоч хунармандчилиги устaxonаси, 3 та ошхона, доғрихона, машиналарга овервис хизмати кўрсатиш шохобчаси, «Гўзаллик салони», қўйинги, барча хизмат турлари аҳоли хизматида.

Вилоят халқ таълими бошқармасига қарашли учта болалар ва ўсмирлар спорт мактабидан биттаси айнан Олчинобод қишлоқ фуқаролар йиғини худудидеги қурилишининг ўзига хос сабаби бор. Остона ҳатлаб мазкур қишлоқ фуқаролар кирак экансиз, каттагина зал, кенг ва ёруғ тренажёр залида машғуллар билан машғул қишлоқ ўғил-қизлари кўриб, дилингиз яйрайди. Патдор гиламлар тўшалган дам олиш, душ ва бошқа

чиникиш хоналари ҳам хизмат кўрсатишнинг юқори меъёрларига асосланиб бунёд этилган.

Спорт мактаби директори Бўрибой Мадатов ютуқлар самараси ҳақида қуйдагича хикоя қилади:

Муассасамиз ишга туширилганига ҳам, мана бешинчи йил кетаяпти. Кейинги икки йилда республика чемпионатларида ўқувчиларимиз голиблик шохобчаларида кўрина бошлади. Аввалги йил Андижонда ўтказилган миллий кураш баҳсида 40 кг вазн бўйича Бунёд Нарзуллаев биринчи ўринни олди. Самарқанд шаҳрида бўлиб ўтган республика чемпионатида ўқувчимиз Беқзод Дўстқулов голиб чиқди. Ҳозирда у Самарқанддаги олимпия заҳиралари коллежиде ўз маҳоратини оширмоқда. 1994 йилда туғилган иштирокчимиз Ортық Уроққоннинг изланишлари ҳам зое кетмади. У Украинанинг Киев шаҳрида бўлиб ўтган 2008 йилдаги миллий кураш бўйича халқаро турнирда қумуш медалини қўлга киритди. Қизлар ўртасида ўтказилган республика чемпионатларида Хикоят Ҳамидова ва Соҳиба Омонтошевларга ҳам 1-ўрин насиб этди.

Мансур АЛОВУДИНОВ, «Ishonch» мухбири

Спортсеварлар

Ёшлар орасида спортнинг техник ва амалий турларига қизиқиш ортиб бормоқда. Чунки ёш биятлон, дуатлон, триатлон, ракетамодел, кемамодел, автоспорт, мотоспорт, пневматик қуролдан ўқ отиш турлари билан шуғулланиш натижасида ёшлар машаққатларга дош берадиган, иродаси мустаҳкам, изланувчан, жасур бўлиб қамолга етади. Улар ҳарбий хизматга борганда ҳам техник ва амалий билимлари билан бошқалардан ажралиб туришади.



Ўзбекистон мудофаасига кўмаклашувчи «Ватанпарвар» ташкилот Марказий кенгашининг навбатдаги кенгайтирилган Раёсат йиғилишида турли масалалар қаторида техник ва амалий спорт турларини ривожлантириш бўйича 2008 йил якунлари ҳамда 2009 йилги режалар кўриб чиқилди.

2008 йил якунларига кўра, техник ва амалий спорт турлари билан мунтазам равишда шуғулланувчи 10-14 ёшли ўсмирлар сонини 2007 йилдагига нисбатан 3448 нафарга, 15-18 ёшгача бўлган шуғулланувчилар 3439 нафарга, 19-21 ёшли спортчилар 4109, 21 ёшдан юқори спортчилар сонини эса 5203 нафарга ошганини алоҳида таъкидлаш мумкин. Олимпияда дастуридан ўрин олган триатлонни янада ривожлантириш мақсадида минтақавий кенгашиларнинг буюртмалари асосида спорт велосипедлари харид қилиниб, жойларга тарқатилди. Утган йили вакилларимиз халқаро мусобақаларда 49 та медалини қўлга киритди. Шундан 17 таси олтин, 14 таси қумуш, 18 таси бронза медалларидир. Жиззахлик Анвар Юнусов 2008 йил сентябр ойида ёш биятлон бўйича Францияда ўтган жаҳон чемпионатида иккита олтин медал соҳиб бўлиб, ўсмирлар орасида икки қарра жаҳон чемпиони номини олди. Руслан Носиров эса катталар ўртасида бронза медалини қўлга киритди. Кемамоделчиларимиз Наил Ҳакимзянов, Шавак Исмаилов ва Марат Ҳакимзянов жаҳон чемпионатида муваффақият қозониб, шохуспаннинг иккинчи поғонасидан жой олишди.

Йиғилиш сўнггида «Энг илгор минтақавий техник ва амалий спорт турлари маркази бошлиғи», «Энг илгор ўқув спорт техника клуби раҳбари», «Йилнинг энг яхши спортчиси», «Йилнинг энг яхши мурабийи», «Йилнинг энг яхши ҳақами» каби қатор номинатив голиблари номи эълон қилинди ва уларга фахрий ёрлик ҳамда эсдалик совғалари топширилди.

Ақмал АБДЕВ

Advertisement for Muassis O'zbekiston kasaba uyushmalari Federatsiyasi, including contact info and services.